

جنة الدنيا



جمع وترتيب

د / مصطفى إبراهيم زايد

رقم الإيداع

٢٠١٠/١٥٥٣٥

دار النعيم

للنشر والتوزيع

٠١٠٠٣٤١٨٧٨٤

للتواصل مع د/ مصطفى زايد

٠١١١٩٦٤٤١٣٣

<http://facebook.com/Dr.Mostafa.Zayed>

عيشها بقلبك

« زماااااان وأنا صغير .. قرأت مقولة عجيبة جداااا
لأحد الصالحين ، يقول فيها :

إنه لتمرّ بي أوقات أقول :

إن كان أهل الجنة في مثل هذا ،

إنهم لفي عيش رغيد !!!

☒ وطبعاً ساعتها الكلام ده مكنش بيدخل دماغى !!
أو بمعنى أصح مكنتش حاسس بيه !!
☑ ولما كبرت ، عرفت إن الكلام ده فعلاً مش محتاج
فهم ! الكلام ده خرج من إنسان عاش المعنى ده بجد ،
ومفيش حد هيستوعبه غير لما يعيشه ويحس بيه !

اننو عارفين الكلام اللي قاله ده معناه ايه ؟؟

♥ الرجل اللي قال الكلام ده يا شباب ، وصل لمرحلة
من السعادة والراحة والتمتعة واللذة في حياته ،
جعلته يقول إن لو حياتنا في الجنة هتبقى بالمنظر ده
كده ؛ دي تبقى حياة مفيش بعدها تاني !!!

► الرجل ده ملقاش حاجة في الدنيا كلها تشبه
الإحساس اللي هو كان حاسس بيه ، فقال إن ده
ممكن يكون احساس واحد عايش في الجنة !!!

« مش نفسك نعيش الحياة دي ؟؟ »

► هتقول : طبعا .. بس أنا أعيش رُبعا حتى !!

« هقولك : إنت عارف كويس إزاي ممكن تعيش
الحياة دي .. أيوه .. إنت عارف كويس جداً الطريق
اللي ممكن يوصلك إنك تعيش جنة الدنيا !

► عارف ؛ بس للأسف معندكش يقين !!!!

« قلبك الشيطان زين له الدنيا وشهواتها ، وقاله
هي دي اللذة اللي كل الناس عايشاها ، عيش معاهم
واستمع حتى لو حرام ! وسبيك من الناس اللي بتقولك
السعادة في العبادة والكلام ده كله !!

سعادة إيه اللي هتجيبك وإنت أصلاً رجلك بتوجع من
الصلاة وبتنك بتوجعك من الصيام؟؟!! وهكذا !!

« الشيطان رسّخ في عقلك إن السعادة هي سعادة
الجوارح !!! وأنساك إن فيه حاجة اسمها (قلب) !



طيب هي فين عبادتك اللي بتقوم بيها
للمعبود وانت مش عايز تقوم تصلي؟؟؟



« إنت بتشهد وتقول " أشهد أن لا إله إلا الله " يعني بتقول مفيش في قلبي إله غيرك يارب !!
هل إنت صادق في كلامك ومفيش في قلبك إله غير ربنا ؟؟؟ هل إنت صادق فعلاً ؟؟؟
[X] أصل للأسف فيه ناس قلوبها مليانة آلهة غير ربنا! للأسف فيه ناس كثير مننا قلوبها بتعبد النساء !! وناس قلوبها بتعبد الفلوس !! وناس قلوبها بتعبد المكياج واللبس !! وناس وناس !!

إوعى تفصل أي حاجة على إنك تستجيب لربك ؛ أحسن عيادا بالله هتكون "عبد" للحاجة دي وتعيش تعيش طول عمرك !!

« قال رسول الله ﷺ :

« تَعِسَ عَبْدُ الدِّينَارِ وَعَبْدُ الدَّرْهِمِ وَعَبْدُ الخَمِيصَةِ ،
إِنْ أُعْطِيَ رِضَى ، وَإِنْ لَمْ يُعْطِ سَخَطٌ ، تَعِسَ وَانْتَقَسَ ،
وَإِذَا شَيْكَ فَلَا انْتَقَسَ » رواه البخاري



« الله أكبر .. يعني الله أكبر من إنه يخطر في قلبك أي حد غيره في ساعة ما تسمع مناديه !!!
« الله أكبر مما أظن وأعتقد وأحسن الظن فيه !
« مهما أحسنت الظن به فهو أكبر من ظني به !
« مهما كان حبي له فهو أكبر من حبي له !
« مهما كانت حاجتي إليه فهو أكبر من حاجتي إليه !
« مهما كان تخيّلِي لعطائه فِعْطَاوَهُ أكبر من تخيّلِي !
« قلت " الله أكبر " ورددتها ورا المؤذن بعد ما استعشرت معناها وانت قلبك حاسس بعظمة وجلال الله الملك عز وجل اللي أكبر من كل شئ في الكون ، وتلبية نداءه أهم من الدنيا وما فيها !..

أَشْهَدُ بِإِثْمِ الْإِلَهَاءِ .. أَشْهَدُ بِإِثْمِ الْإِلَهَاءِ

« يعني إيه ؟؟ يعني إيه "أشهد أن لا إله إلا الله" ؟؟
« يعني إنت بتشهد وبتقر إن مفيش في الكون معبود بحق إلا " الله " سبحانه وتعالى ..



« " أشهد أن لا إله إلا الله " شهادة تستشعر وإن تبتقولها أعظم نعمة من نعم ربنا عليك ؛ نعمة الإسلام والعبودية لله وحده ..
« أصل كان ممكن بتعبد المسيح أو مجوسي بتعبد النار أو بتعبد البقرة !!
« أصل كان ممكن تكوني دلوقتي يا أختي بتسجدي لصنم أو بتعبدي فار !!!!

[X] ولكن ربنا سبحانه وتعالى كرمنا وشرقنا وأنعم علينا بنعمة التوحيد والعبودية له وحده لا شريك له ..

يااااااااااااه لو استشعرنا حجم النعمة دي وقيمتها !!

« للأسف نعمة " لا إله إلا الله " نعمة كثير من الناس نسيها ؛ لأنهم ورثوها وأخذوها على الجاهز !!! والله العظيم يا شباب نعمة " لا إله إلا الله " نعمة تستوجب مننا إننا نمرغ وجوهنا ، وجباها ، وأنوفنا ، شكرًا لله رب العالمين ؛ بس زي ما ربنا قال :

(وَقَلِيلٌ مِّنْ عِبَادِيَ الشَّاكِرِينَ) سبأ: ١٣

ربنا يجعلنا من هؤلاء القليل ..



« عبد الدينار والدرهم : مش معناها إنه بيركع ويسجد للدينار والدرهم ، ولكن معناها إن قلبه متعلق بالفلوس ومُتَع الدنيا لدرجة إنه أصبح أسير وعبد لها! فيصبح ويُمسي وهي همّه، وبنام ويقوم وهي في قلبه !
« فالنبي ﷺ بيدعو على اللي قلبه متعلق بأي متعة دنيوية زائلة بالنعاسة ، وقال إنه هيعيش تعيس وهيهلك وهيضع ، هيعيش تعيس في الدنيا وفي الآخرة ؛ لأنه باع دينه بدنياه ، وفي الآخر برده مش هياخد من الدنيا غير اللي ربنا قسمه له !!

[الخميصة : نوع من الثياب]

[شيك : يعني دخلت فيه شوكة]

[انتقش : يعني استخدم المنقاش لإخراج الشوكة]

« والنبي ﷺ بيدعو عليه في آخر الحديث إنه يوصل بيه العجز إنه لو دخلت في رجله شوكة ميقدرش يطلعها !!! وده يخليه يقعد وميقدرش يشتغل ولا يتمتع ويتألم ويتحرم من الحاجات اللي قلبه بيعبدها !

بالله عليكم ، إوعوا تكونوا الشخص ده !!

وإلا هتعيشوا في تعاسة طول العمر !!



طيب ليه بقى مش عايز تقندي بحبيبك النبي ﷺ ؟؟؟؟؟
ليه بتفرط في الصلاة ؟؟؟
ليه بتتأخر عن الصلاة ؟؟ ليه بتكسل عن الصلاة ؟؟

♥ إنت تعرف إن حبيبك ﷺ كان أحب شئ له وأكثر شئ يبسعه ويفرح قلبه في الدنيا كلها هو **الصلاة** ..
« قال رسول الله ﷺ :

« **وَجُعِلَتْ قِرَّةُ عَيْنِي فِي الصَّلَاةِ** » صححه الألباني

« ولما يكون عايز يرتاح يقول ﷺ :

« **يا بلال ؛ أقم الصلاة ، أرحنا بها** » صححه الألباني

☑ الراحة كلها ، والمتعة كلها ، والسعادة كلها في حياة النبي ﷺ كانت في **الصلاة** ..

« إنت تعرف إن الصلاة كانت هي **آخر وصية** من النبي ﷺ لأُمَّته قبل موته !
عن أم سلمة رضي الله عنها قالت :

« **كان آخر وصية رسول الله ﷺ حين حضره الموت: الصلاة الصلاة (مرتين) وما ملكت أيماكم ، وما زال يغرغر بها في صدره وما يفيض بها لسانه** » صححه الألباني



أشهد أن لا إله إلا الله محمد رسول الله .. أشهد أن لا إله إلا محمد رسول الله

« يعني إيه " أشهد أن محمد رسول الله " ؟؟؟؟
- يعني إنت بتشهد وتبقر برسالة سيدنا محمد ﷺ ..
حبيبي وحبيبك .. اللي ربنا أرسله رحمة لنا علشان
ينقذنا من النار ولولاه كان زماننا حطب لجحيم !!
اللي لولاه ما كنا عرفنا الأذان ، ولا الصلاة !!

« **سيدنا محمد ﷺ**.. قدوتي وقدوتك وقدوة البشرية كلها
مشن كده ولا إيه ؟؟

« طيب لو شوفنا حال النبي ﷺ اللي بنقول إنه قدوتنا
لما كان بيسمع الأذان ؛ كان بيعمل إيه ؟؟؟؟؟
« السيدة عائشة بتقول :

« **يكون النبي ﷺ في مهنة أهله (أي في خدمتهم)
فإذا حضرت الصلاة خرج إلى الصلاة** » رواه البخاري

يعني أول ما وقت الصلاة جه خلاص .. الدنيا كلها
بقت ورا ظهر النبي ﷺ .. ولا كأنه يعرف أي حد ..
ربنا بينادينني، ومفيش شئ في الدنيا أهم من نداء ربي !
عرفت النبي ﷺ كان حاله إيه أول ما يسمع الأذان ؟



☑ ونأمل في كلمات ومعاني الدعاء اللي فات ،
هناقيها في قمة الروعة والجمال ..

« **رضيت بالله رباً وبمحمد رسولاً وبالإسلام ديناً**]

♥ « **رضيت بالله رباً** » .. تقولها وإنت حاسس بيها
منقوشة على جدران قلبك ..

♥ « **رضيت بالله رباً** » .. يااااااااااااه على إحساسك
وإنت بتقولها وطالعة من قلبك بجد ..

♥ « **رضيت بالله رباً** » .. يعني رضيت بعبوديته
وحده ، والإنيقاد التام والتسليم له .. رضيت بتدبيره
وإختياره .. رضيت بقضاءه حلو أو مرّ .. رضيت
برزقه كثير أو قليل..رضيت بكل شئ من عندك يارب

☑ **وظالما رضيت وحسيت بمعاني الرضا**
دي كلها ، قلبك هيطمن ويرتاح وبعد كده
هتدخل الصلاة بقلب صافي ومتشغلش
بأي حاجة ولا تشيل أي هم من هموم
الدنيا ! وهتחס بحلاوة الإيمان ..

« قال رسول الله ﷺ : « **ذاق طعم الإيمان من رضي**
بالله رباً ، وبالإسلام ديناً ، وبمحمد رسولاً » رواه مسلم



« تخيل لو أبوك وهو بيموت بيوصيك وصية ،
هتهتم بيها وهتنفذها ولا لا ؟؟؟؟؟

هتقول : طبعاً هنفذها .. دي وصية الغالي !
« طيب ده النبي ﷺ اللي إنت بتشهد وتقول
" **أشهد أن محمداً رسول الله** " هو اللي بيوصيك ..
بل وبيأكد عليك وبيقول (الصلاة الصلاة) !

« **مش عايز تنفذ وصية النبي ﷺ لك ليه ؟؟؟؟**
يا ترى النبي ﷺ مش غالي عندك زي أبوك ؟؟؟؟



« وبعد ما المؤذن إنتهى من الشهادتين ..
إفتكرت قول النبي ﷺ :

« **من قال حين يسمع المؤذن : وأنا أشهد أن لا إله إلا الله وحده لا شريك له وأشهد أن محمداً عبده ورسوله ، رضيت بالله رباً وبمحمد رسولاً وبالإسلام ديناً، غفر الله له ما تقدم من ذنبه** » رواه مسلم

« إنت أخذت بالك من نهاية الحديث؟ أخذت بالك من الثواب العظيم (**غفر الله له ما تقدم من ذنبه**) على الكلمات البسيطة اللي بنفرط فيها وبنكسل نقولها ؟؟!



قوم ياللا بسرعة وحي على الصلاة ..

◀ مسئني ايه ؟؟؟؟؟؟

◀ مسئنيه ايه ؟؟؟؟؟؟

✓ معاد الصلاة جه خلاص !!

✓ معاد الطهارة والتقاء والصفاء والبعد عن هموم الدنيا ومشاكلها ..

✓ معاد الخروج من حالة الضيق والاكتئاب والخنقة للراحة النفسية والطمأنينة ..

✓ معاد لقاء المحب مع أحب محبوب إليه ..

✓ معاد مقابلة الملك والوقوف بين يديه ومناجاته ..

✓ معاد قضاء الحاجات وتفريج الكربات ..

✓ معاد الإرتقاء والسمو بقلبك وروحك ..

هي دي معاني الصلاة الحقيقية !

المعاني اللي إنت في أشد الاحتياج إنك تعيشها !

سيب كل اللي في إيدك وقوم بسرعة وإوعى تتأخر !



حَيَّ عَلَى الْفَلَاحِ .. حَيَّ عَلَى الْفَلَاحِ

◀ حي على الفلاح ؟؟؟؟؟؟

عارفين يعني ايه " الفلاح " ؟؟

- **الفلاح** : يعني الفوز و المكسب والنجاح و السعادة

كل ده مش هتلاقيه إلا في **المسجد** .. أي مكان تاني

هتروحه دلوقتي والله مش هتلاقي فيه غير **الخسارة** !!

✓ راحتك وسعادتك في الدنيا ، و زيادة رصيدك من

الحسنات وتكفير ذنوبك وعلو درجاتك في الجنة في

صلاتك وتلييتك لنداء ربك ..

لسه برده هنتأخر ؟؟ لسه برده مش عايز نقوم ؟؟

→ قوم ياللا بسرعة وحي على الفلاح ..

✓ هو ده اللي هيتبقى لك يوم الحساب .. يوم ما تبقى

ملهوف ومش لاقى حد يبديك حسنة واحدة !! ..

→ **إنت مش سمعت الأذان ؟؟** قوم ياللا بسرعة ..

✓ هو ده اللي هينفعك .. لا فلوس ولا جاه ولا منصب

ولا عيالك ولا أصحابك ولا حد هينفعك غير **عملك** !!



◀ واستشعر معايا حديث النبي ﷺ اللي قال فيه :

« إذا قال المؤمن حي على الصلاة ، قال (العبد) :

لا حول ولا قوة إلا بالله ، ثم قال حي على الفلاح ،

قال : **لا حول ولا قوة إلا بالله** » رواه مسلم

◀ ليه بنقول " لا حول ولا قوة إلا بالله " ؟؟

وإشمعنى مش بنقول " حي على الصلاة " ، " حي

على الفلاح " زي المؤذن في بقية الأذان ؟؟

يعني ايه " لا حول ولا قوة إلا بالله " ؟؟

- **لا حول ولا قوة إلا بالله** : يعني إنت بتعترف إنك

عبد ضعيف ليس لك حول ولا قوة ، وعاجز عن القيام

بأي شئ إلا **بتوفيق الله** و **الإستعانة بالله** ..

✓ **لا حول ولا قوة إلا بالله** : يعني لا تحول للعبد من

حال إلى حال ولا قوة له على ذلك إلا بالله عز وجل ..

◀ لا تحول من المعصية إلى الطاعة إلا بالله ..

◀ لا تحول من الذل إلى العزة إلا بالله ..

◀ لا تحول من المرض إلى الشفاء إلا بالله ..

◀ لا تحول من الفقر إلى الغنى إلا بالله ..

◀ لا تحول من العنوسة إلى الزواج إلا بالله ..

◀ لا تحول من الفشل إلى النجاح إلا بالله ..



الأذان والإقامة

« لا إله إلا الله » أعظم كلمة ممكن تقولها ، كلمة التوحيد ، الكلمة اللي من أجلها ربنا خلق السموات والأرض ، ومن أجلها ربنا خلق الجن والإنس ، ومن أجلها ربنا أرسل الرسل إلى الناس مبشرين ومنذرين ، ومن أجلها أنزل الكتب ومن أجلها خلق الجنة والنار ..

« ردّتها ورا المؤذن ، وتأملت لقيت إن الأذان ابتدأ باسم الله (الله أكبر) واختتم باسم الله (لا إله إلا الله) فتكون حياتك كلها مبدأها من الله ومنتهاها إلى الله ..

« وبعد ما الأذن يخلص .. بتصلي على النبي ﷺ وتقول الدعاء المأثور بعد الأذان ؛ عشان تنال شفاعة النبي ﷺ يوم القيامة .. قال رسول الله ﷺ :

« من قال حين يسمع النداء : اللهم رب هذه الدعوة التامة والصلاة القائمة آت محمداً الوسيلة والفضيلة وابعثه مقاماً محموداً الذي وعدته ؛ حلت له شفاعتي يوم القيامة »

رواه البخاري



« لا حول ولا قوة إلا بالله » يعني أنا مسيبتش اللي في أيدي ، وجيت ألتي نداء الأذان وأروح الجامع وأصلي ؛ غير بتوفيقك وتيسيرك ليا يارب ..

« ولما دخلت المعاني دي قلبك ؛ استعشرت وحسيت فعلاً بقول النبي ﷺ :

« أكثروا من قول " لا حول ولا قوة إلا بالله " فأنها

كنز من كنوز الجنة » صححه الألباني

الله أكبر .. الله أكبر

« " الله أكبر " هي أول لفظة في الأذان ، وبتكرر ثاني في آخر الأذان ، وهتكرر ثاني في كل ركعة في الصلاة ، وكل ده عشان معناها يترسخ في قلبك ، وتتيقن فعلاً إن ربنا أكبر من كل شئ ، وتحس ثاني بكل المعاني اللي ذكرناها قبل كده في معنى الله أكبر ، وده يخليك تسبب الدنيا وتقبل على الله بقلب خاشع ..



« وصلت لباب المسجد .. ودخلت برجليك اليمين .. وإنْتَ بتقول دعاء دخول المسجد :

« بسم الله والسلام على رسول الله ، اللهم اغفر لي ذنوبي وافتح لي أبواب رحمتك » صححه الألباني

« أعوذ بالله العظيم وبوجهه الكريم وسلطانه القديم من الشيطان الرجيم ، فإذا قال (العبد) ذلك ، قال الشيطان : حُفَظَ مني سائر اليوم » صححه الألباني

« وأول ما حطيت رجليك جوه المسجد ؛ حسيت برعشة في جسمك !! يمكن عشان بقالك فترة مدخلتش المكان ده !! أو يمكن عشان أول مرة تدخله بقلبك مش بجسمك وبس !!!

« قفلت الموبايل وروحت عشان تتوضأ ..

قولت " بسم الله " وبدأت في الوضوء ..

« ويشاء ربنا إنك تلاقى حديث رهيبيبيبيب مكتوب في ورقة قدامك ، حديث أول مرة تشوفه !!!

بدأت تتأمل وتستشعر وإنْتَ بتتوضأ كلمات الحديث

الرائحة ده ..



« وهنا .. وقفت مع نفسك تكلمها :

((ياااااااااااااه .. الأذان ده أنا بقالتي سنبيبيبيبيبي سمعته يومياً .. كل يوم بسمعه ٥ مرات !! .. بس للأسف عمري ما فكرت في الكلام ده !! .. عمر ما دخل قلبي المعاني والأحاسيس دي .. !!))

قد إيه الإنسان عايش في غفلة !!!

« واستشعر وإنْتَ بتسمع الأذان قول أحد الصالحين :

ما سمعت النداء للصلاة ؛ إلا تذكرت هول

النداء بالعرض على الله يوم القيامة !!

« وبمجرد ما انتهى الأذان ؛ لقيت رجليك لوحدها هي اللي واخداك ورايحة ناحية المسجد !!

« خلاص .. مش معقول أي مخلوق بعد كل ده مش هيلبي النداء .. مش معقول مش هيروح يقابل حبيبه .. ده تلاقينه يبصرخ ويقول : ده أنا أروحله ولو زحف !



♥ حاسين بالمعنى الرائع ده يا شباب ؟

❁ **وانت بتغسل إيدك** استشعر إنك بتغسل كل لمسة حرام وكل مسكة حاجة حرام وكل الذنوب اللي جنتيها بإيدك !! استشعر إن مع كل نقطة ميه بتنزل ، فيه ذنب بينزل معاها ، لحد ما تنزل ذنوب إيدك كلها !

❁ **وانتى بتغسلى وجهك** استشعري إنك بتغسلي كل نظرة حرام نظرتيها !! وإن مع كل نقطة ميه بتنزل فيه ذنب بينزل معاها لحد ما تنزل ذنوب وجهك كلها ! ❁ **وهكذا** ، مع كل عضو بتغسله أثناء الوضوء بتنزل ذنوب العضو ده ، لحد ما تخرج من الوضوء وإن تظاهر **جسداً وروحاً** ..

♥ **معاني راقية جداً** لازم نحس بيها أثناء الوضوء ونحس بمتعة وحلاوة الوضوء اللي بيظهرنا ..

☑ **معاني لو دخلت قلوبنا وحسينا بيها أثناء الوضوء ، والله العظيم هنجب الوضوء وهنفضل دايماً على طهارة**



❁ يقول رسول الله ﷺ :

« أيما رجل قام إلى وضوئه يريد الصلاة ثم غسل كفيه **نزلت خطيئته من كفيه مع أول قطرة** ، فإذا غسل وجهه **نزلت خطيئته من سمعه وبصره مع أول قطرة** ، فإذا غسل يديه إلى المرفقين ورجليه إلى الكعبين **سلم من كل ذنب هو له ومن كل خطيئة كهيئته يوم ولدته أمه** ، فإذا قام إلى الصلاة رفعه الله عز وجل بها درجة ، وإن قعد قعد سالماً » صححه الألباني

❁ وفي رواية ثانية من الحديث ..

❁ يقول رسول الله ﷺ :

« إذا توضأ العبد المسلم أو المؤمن فغسل وجهه ؛ **خرج من وجهه كل خطيئة نظر إليها بعينه مع الماء أو مع آخر قطر الماء** ، فإذا غسل يديه ؛ **خرجت من يديه كل خطيئة بطشتها يده مع الماء أو مع آخر قطر الماء** ، فإذا غسل رجليه ؛ **خرج كل خطيئة مشتها رجلاه مع الماء أو مع آخر قطر الماء** ، حتى يخرج **نقياً من الذنوب** » رواه مسلم

❁ سبحان الله !!



❁ يا بلاش ! ده الدين يُسر فعلاً ، وربنا يريد بنا الخير بس إحنا اللي مُعرضين ومش عابزين وعمالين نتكلم وخالص ومش بنعمل أي حاجة !!!!

❁ **وبعد ما خلصت وضوء** ، عينك وقعت على شخص رافع إيديه وعمال يدعي ربنا بخشوع ، إنفكرت حديث النبي ﷺ :



« **الدعاء بين الأذان والإقامة لا يرد** »

صححه الألباني

لا يرد؟؟؟ يعني إيه؟؟ يعني كل اللي هدعي بيه ربنا هيستجيبه ليا؟! رفعت إيدك بسرعة علشان تلتحق تستغل كل ثانية في الوقت بين الأذان والإقامة ، وقعت تدعي ربنا إنه يغفرلك ويتوب عليك ويفرج كربك ويزيل همومك ويرزقك ويحفظك ويثبتك ..

❁ شوية ولقيت المؤذن بيقم الصلاة ويقول :

« **قد قامت الصلاة .. قد قامت الصلاة** »

❁ لقيت قلبك طائر من الفرحة .. قد قامت الصلاة؟! قد قامت الصلاة ! يعني أخيراً هقابل الملك عز وجل !



❁ **وبعد ما انتهيت من الوضوء** .. رفعت راسك ، لقيت ورقة مكتوب عليها دعاء بعد الوضوء !!

❁ قال رسول الله ﷺ :

« **من توضأ فقال بعد فراغه من وضوئه : سبحانك اللهم وبحمدك أشهد أن لا إله إلا أنت أستغفرك وأتوب إليك** ، كُتِبَ في رَقِّ ثم جُعِلَ في طابع فلم يُكسرَ إلى يوم القيامة » صححه الألباني

❁ وقال رسول الله ﷺ :

« **من توضأ فأحسن الوضوء ثم قال : أشهد أن لا إله إلا الله وحده لا شريك له وأشهد أن محمدا عبده ورسوله اللهم اجعلني من التوابين واجعلني من المتطهرين** ، **فُتِحَتْ له ثمانية أبواب الجنة يدخل من أيها شاء** » رواه مسلم

❁ يااa

أبواب الجنة الثمانية تفتح ليا يوم القيامة وأدخل من أي باب أنا عايزه ..!!!!!!

كل ده علشان اروضيت وقولت الذكر البسيط ده



♥ أنت دلوقتي هتناجي الملك وتكلمه ..!!

معقول!!!!!!

☑ أبوه معقول .. قال رسول الله ﷺ :

« إن أحدكم إذا قام يصلي إنما يناجي ربه ؛ فليُنظر

كيف يناجيه » صححه الألباني

☞ يعني لازم تستحضر عظمة ربنا في قلبك وتخضع بين يديه وإنه داخل تصلي ..

☞ كان أحد السلف الصالح إذا توجأ ليصلي ؛ اصفرَّ وجهه وارتعش جسده وتصيب عرفاً !!! فقيل له : لماذا كل ذلك ؟

فقال : **أعلمون بين يدي من سأقف؟؟!**

☞ أنت عارف إنت واقف بين يدي مين في الصلاة؟؟؟

☞ إنتي عارفة إنتي واقفة بين يدي مين في الصلاة؟؟؟

☞ والله العظيم ما إحنا عارفين قدر ربنا الملك!!!!!!

قال الله : (وَمَا قَدَرُوا اللَّهَ حَقَّ قَدْرِهِ) الزمر: ٦٧



أنت دلوقتي واقف بين يدي الملك ؛ من خضعت له

السماوات والأرض ومن فيهن ، وعنت له الوجوه

وخضعت له الرقاب ، وذلك له الجبارة !

☞ قال رسول الله ﷺ : « إن الله أمركم بالصلاة ،

فإذا صليتم فلا تلتفتوا ، فإن الله ينصب وجهه لوجه

عبده في صلاته ما لم يلتفت » صححه الألباني

☞ قال رسول الله ﷺ : « إن الله أمركم بالصلاة ،

فإذا صليتم فلا تلتفتوا ، فإن الله ينصب وجهه لوجه

عبده في صلاته ما لم يلتفت » صححه الألباني

☞ قال رسول الله ﷺ : « إن الله أمركم بالصلاة ،

فإذا صليتم فلا تلتفتوا ، فإن الله ينصب وجهه لوجه

عبده في صلاته ما لم يلتفت » صححه الألباني

☞ قال رسول الله ﷺ : « إن الله أمركم بالصلاة ،

فإذا صليتم فلا تلتفتوا ، فإن الله ينصب وجهه لوجه



♥ بدأت تستحضر قلبك ، وتستجمع معاني الموقف

اللي إنت فيه دلوقتي بين يدي الله عز وجل ..

☞ وبدأت تقول " دعاء الإستفتاح " ؛ وله صيغ كثير

منها : « اللهم باعد بيني وبين خطاياي كما باعدت

بين المشرق والمغرب ، اللهم نقني من الخطايا كما

ينقى الثوب الأبيض من الدنس ، اللهم اغسل

خطاياي بالماء والثلج والبرد » متفق عليه

☞ لو تأملت الدعاء ده .. هتلاقي إن أول حاجة

بتستفتح بيها صلاتك ومناجاتك مع الملك هي :

الإعتراف بالضعف ، والإقرار بالذنوب والمعاصي!!

والطلب من ربنا مش إنه بيعدك عن الذنوب وبس ؛

لأ .. ده إنت بتطلب من ربنا إنه يغفرلك ذنوبك لو

وقعت في أي ذنب ، وكمان يغسل قلبك ويظهره من

أثرها لحد ما يرجع زي الثوب الأبيض الناصع ،

ويتمحي من عليه أثر سواد المعاصي والذنوب .. !

☑ وده ادعى إنك تحس بخطورة ذنوبك وأثرها على

قلبك ، فتتضرع وتتذلل لله وتخضع في صلاتك ..



♦ (إِيَّاكَ تَعْبُدُ) ♦

« (إياك نعبد) عبادتي كلها لك يا رب، الصلاة اللي أنا بصليها والصيام والقرآن والصدقة والزواج والشغل وكل ذرة في حياتي بتبغي بها وجهك يا رب وده مُنتهى الإخلاص !

♦ (وَإِيَّاكَ نَسْتَعِينُ) ♦

« (واياك نستعين) ملناش غيرك يارب ، بنطلب معونتك وحدك على عبادتك وعلى جميع شئوننا ، ومهما كان معانا من أسباب ؛ فبدون الإستعانة بك مش هنقدر نعمل أي حاجة !

♦ (أَهْدِنَا الصِّرَاطَ الْمُسْتَقِيمَ) ♦

« (اهدنا الصراط المستقيم) يعني أنا بطلب الهداية منك يارب .. دلني ووصلني بتوفيقك وفضلك ورحمتك لطريق الصح في العلم بالحق و العمل به ، الطريق المستقيم اللي مفيش فيه عوج ولا زلل ، طريق السعادة في الدنيا ، والنجاة في الآخرة ..



♦ (مَلِكِ يَوْمِ الدِّينِ) ♦

« (مالك يوم الدين) يوم القيامة ، يوم الحسرة والندامة على كل واحد باع آخرته بدنيا فانية ، وطالما تذكرت يوم القيامة ؛ تفنكر ما فيه من أهوال تشيب الوليد ، وتخضع في الصلاة وإننت بتطلب النجاة من "ملك يوم الدين" اللي محدش هيقدر ينجيك من اليوم ده وأهواله غيره سبحانه وتعالى ..

« والمتأمل في سورة الفاتحة هيلاقياها كلها رحمات ♥ هنلاحظ إن كلمة " الرحمن الرحيم " اتكررت مرتين في السورة ، وده يشعرنا برحمة ربنا اللي شملت الدنيا والآخرة ..

♥ وهنلاقي لفظ " الرحمن الرحيم " جه بعد " رب العالمين" فالعالمين والدنيا كلها تسير برحمة ربنا .. ♥ وهنلاقي لفظ " الرحمن الرحيم " جه بعده " مالك يوم الدين " للإشارة إن يوم القيامة أيضاً يسير برحمة الله عز وجل ..

♥ فالسورة تطمئن الواحد بأن الأصل في الكون هو رحمة الله وأن أصل علاقة الله بعباده هي الرحمة .



♦ (صِرَاطَ الَّذِينَ أَنْعَمْتَ عَلَيْهِمْ) ♦

« (صراط الذين أنعمت عليهم) الناس اللي أنعمت عليهم بالإيمان الصحيح والعمل الصالح ، الذين أنعمت عليهم "من النبيين والصديقين والشهداء والصالحين" .. وعلى رأسهم النبي ﷺ وأصحابه .. أنعمت عليهم فضلاً وإحساناً منك ، فاجعلني منهم يارب واجمعني بهم في جنات النعيم ..

♦ (غَيْرِ الْمَغْضُوبِ عَلَيْهِمْ وَلَا الضَّالِّينَ) ♦

« (غير المغضوب عليهم) المقصود بهم اليهود ، ربنا غضب عليهم لأنهم عرفوا الحق ومع ذلك لم يعملوا به وفضلوا الباطل على الحق ، واختاروا الشر على الخير ، (ولا الضالين) الحائرين اللي ضلوا عن طريق الحق بجهلهم ، والمقصود بهم النصارى .

☑ فخلاصة المعنى إنك بتقول : يارب إهديني للحق ومتجعلنيش زي النصارى اللي مهتدوش له ، ووفقتي ويسر لي العمل به ومتجعلنيش زي اليهود اللي عرفوا الحق ولكن معملوش به !



« (اهدنا الصراط المستقيم) بدأت تكررها وبدأ قلبك ينبض بيها وهو يبصرخ ويقول :

♥ اهديني يارب .. نجيني يارب .. مليش غيرك !! فتن الشهوات والشبهات بتشدني من كل ناحية ..!!! وفي كل مكان دلوقتي المخدرات والبنات وأصحاب السوء والنت والدش والموبايلات !! حاجة صعبة !! طرق الحرام كتير أوي يارب ..! ومفيش حد هيهديني للصراف المستقيم وهينجيني غيرك يا رب..! محدش هيوصلني لك غيرك .. اهديني يارب .. وثبتني يارب !

« وبدأت عينك تدمع من اللي إنت حاسس بيه ، وبدأت تعرف معاني الفاتحة ، ومعنى الآية دي بالذات ، وعرفت ليه كان ختام الفاتحة بالدعاء بالهداية ؟؟ ولية إحنا بتكررها في كل ركعة من ركعات الصلاة ؟؟!! عرفت ليه بنقولها يومياً ١٧ مرة في صلاة الفرض !! لأنك محتاج الدعاء ده أووووووووي أهم من إحتياجك للأكل والشرب !!

« لأن من غير هداية ربنا لك ،

إنت ضالاليع ضالاليع في الدنيا والآخرة !!!!



﴿ أنت متخيل يا حبيب قلبي الحديث ده ؟؟
إنتي متخيلة يا أختي الحديث ده ؟؟؟

« ده حوار خاص بينك وبين " الملك " !! »

« الله عز وجل يخاطبك ويرد عليك !! »

♥ أنت متخيل لما تقول :

(الحمد لله رب العالمين)

وربنا الملك يرد عليك ويقول :

(حمدني عدي) !!

إنت مبيبين ؟؟؟؟ وإنتي مبيبين ؟؟؟؟؟

وعلما إيه علشان ربنا يقول (حمدني عدي) !!؟؟؟

سبحانك ربي !!

ياااااااااااااااااه على كرمك وفضلك ورحمتك !!



« **والله العظيم** لو قلبك استشعر رد ربنا عليك مع كل آية في الفاتحة ؛ **هيطير من الفرحة !** ولو مش هتخرج من صلاتك غير بذكر ربنا لك بجلاله وعظمته ، فكفاية عليك الغنيمة دي والله ! »



﴿ إنتهيت من قراءة الفاتحة .. وقولت " آمين " ..

[آمين : يعني اللهم استجب]

♥ وإنت أول مرة تأمن على دعاء الفاتحة من قلبك ، وعرفت ليه اليهود بيحسدونا عليها .. أيوه اليهود بيحسدونا على إننا بنقول آمين في الصلاة !!

« قال رسول الله ﷺ : « ما حسدتكم اليهود على شيء ، ما حسدتكم على السلام **والتأمين** » صححه الألباني

☑ وكمان من فضائل قول آمين ، حديث النبي ﷺ :

« إذا آمن الإمام فأمنوا ، فإنه من وافق تأمينه تأمين

الملائكة **غُفر له ما تقدم من ذنبه** » متفق عليه

شوفت بقى الثواب العظيم اللي كنت بتفرط فيه !!!



﴿ كل المعاني الجميلة اللي ذكرناها في الفاتحة حاجة والحديث اللي هقولولكم ده حاجة ثانية خاااااالص !!
عايزكم تقرأوا الحديث ده وتعيشوا معاها بقلوبكم ..

« قال رسول الله ﷺ ، قال الله عز وجل :

« قسمت الصلاة بيني وبين عبدي نصفين ،

ولعبدي ما سأل ؛

فإذا قال العبد : (**الْحَمْدُ لِلَّهِ رَبِّ الْعَالَمِينَ**) ،

قال الله تعالى : **حَمَدْتِي عَبْدِي** ،

وإذا قال : (**الرَّحْمَنُ الرَّحِيمُ**) ،

قال الله تعالى : **إِثْنِي عَلَيَّ عَبْدِي** ،

وإذا قال : (**مَالِكِ يَوْمِ الدِّينِ**) ،

قال : **مَجَدَّنِي عَبْدِي** ، وقال مرة : **فُوِّضَ إِلَيَّ عَبْدِي** ،

فإذا قال : (**إِيَّاكَ تَعْبُدُ وَإِيَّاكَ تَسْتَعِينُ**) ،

قال : هذا بيني وبين عبدي ولعبدي ما سأل ،

فإذا قال : (**أَهْدِنَا الصِّرَاطَ الْمُسْتَقِيمَ * صِرَاطَ الَّذِينَ**

أَنْعَمْتَ عَلَيْهِمْ غَيْرِ الْمَغْضُوبِ عَلَيْهِمْ وَلَا الضَّالِّينَ) ،

قال : هذا لعبدي ولعبدي ما سأل » رواه مسلم



♥ ويا فرحة قلبك وهو بيستشعر قول الله :

((عبي .. عبي .. عبي))

مع إن ربنا غني عنك وعن الخلق أجمعين ، ولكنه سبحانه وتعالى شرفك بإنه جعلك (**عبد**) له عز وجل

ياااااااااااااااااه لو اسنشعرت المعنى ده !!

كَفَانِي عِزًّا أَنْ تَكُونَ لِي رَبًّا

وَكَفَانِي فَخْرًا أَنْ أَكُونَ لَكَ عَبْدًا

« وعلشان كده ؛ كان سيدنا عمر بن عبد العزيز رحمه الله يقرأ الفاتحة ويسكت بين الآية والأخرى ، وحينما سُئل عن سبب سكوته كان يقول :

" أسكت لأستمع ب (رد ربي) "





﴿ **وبعد شوية ركع الإمام ..** وإنّ رفعت إيدك وقولت "الله أكبر" وركعت وراه ..
 « ومن تاني بيتجدد معنى "الله أكبر" في قلبك ،
 وبتطرد الدنيا من قلبك وبتقبل على الله أكثر وأكثر ..
 < ركعت وانحيت لله وإنّ في **منتهى العزة والفخر**
 بإنك بتتحني بجسمك تعظيماً للملك تبارك وتعالى ..
 وكذلك بدأت تعظمه بلسانك وتقول :

((سُبْحَانَ رَبِّيَ الْعَظِيمِ))

♥ وإنّ بتقول كلمة " **العظيم** " دي وقلبك هيدوب من مشاهد عظمة ربنا في الكون اللي استحضرتها !
 فالله هو **العظيم** في ذاته ، **العظيم** في أسمائه كلها ،
العظيم في صفاته كلها ، **العظيم** في قدرته وقوته ،
العظيم في علمه ، **العظيم** في كل شئ سبحانه وتعالى .
 ﴿ ومن أذكار الركوع اللي النبي ﷺ كان بيقولها :

((سُبُّوحٌ قُدُّوسٌ رَبُّ الْمَلَائِكَةِ وَالرُّوحِ))

سُبُّوح : المبرأ من النقائص والشريك وكل ما لا يليق
قُدُّوس : المطهر من كل ما لا يليق بالخالق
الروح : النفس ، وروح القدس : جبريل عليه السلام .



﴿ **وبعد الفاتحة ، بدأت تقرأ آيات من كتاب الله ..**
 وإنّ بتحاول تتفكر فيها وتتدبر فيها وتفهم الكلام ..
 كلام ربنا اللي أنزله لنا علشان نفهمه ونطبقة ، مش
 نركنه في الأدراج ونكتبه في براويش ونعلقه للزينة !!!
 ♥ **ولأول مرة** تحس بحلاوة كلمات القرآن وجمال
 معانيها وسهولة فهمها .. زي ما ربنا أخبرنا وقال :

(**وَلَقَدْ يَسَّرْنَا الْقُرْآنَ لِلذِّكْرِ فَهَلْ مِنْ مُدَكِّرٍ**) القس: ١٧

« قال ابن كثير : [**أي سهّلنا لفظه ، ويسرنا معناه لمن أرادَه ؛ ليتذكّر الناس**]

♥ وأول ما حسيت بحلاوة آيات القرآن ، بقي نفسك تقرأ بسورة **واتنين وثلاثة** ، بعد ما كنت بتملّ وتزهق لو الإمام قرأ آيتين زيادة !!!!
 وعرفت إزاي وليه الصحابة والسلف والصالحين كانوا بيصبروا على قيام الليل بالقرآن لحد الفجر !!



لدرجة إن واحد منهم يقول عن اللذة في صلاته :

[**لولا الصلاة ؛ ما أحببت البقاء في الدنيا !!!**]



﴿ إنتهى الإمام من الركوع ورفع منه وقال :
 "سمع الله لمن حمده"

« (سمع الله من حمده) يعني الله عز وجل هيتقبل الحمد من اللي هيحمده ؛ فإنّ أول ما سمعتها من الإمام رفعت راسك وإنّ كلك شوق ولهفة إنك تقول :

((رَبَّنَا وَلَكَ الْحَمْدُ))

☑ واستشعرت وإنّ بتحمد ربنا **بعض من نعم الله عليك** اللي لو فضلت طول عمرك تصلي وتصوم وتعيد ربنا مش هتوفي حقها !!! ومن ضمنها النعمة اللي إنت فيها دلوقتي .. نعمة هدايتك للصلاة في وقتها ووقوفك بين يدي الله ومناجاته ..

كم واحد على وجه الأرض في الوقت ده محرومين من النعمة العظيمة دي !!!!!!!

﴿ وفيه أحاديث تانية للحمد فيها زيادة :

((ربنا ولك الحمد، حمداً كثيراً طيباً مباركاً فيه))

« **وده لأنك** لما حسيت بنعم ربنا عليك ، فعايز تحمد ربنا وتبالغ في الحمد (**حمداً كثيراً**) ، ويكون خالص من الرياء (**حمداً طيباً**) ، وكذلك (**مباركاً فيه**) ..



﴿ وأيضاً من أذكار الركوع الصحيحة :

((سُبْحَانَ ذِي الْجَبَرُوتِ وَالْمَلَكُوتِ وَالْكِبْرِيَاءِ وَالْعَظَمَةِ))

سبحان : تنزيه الله عز وجل من كل نقص وعيب .
الجبروت : مبالغة من (الجبر) وهو القهر .
الملكوت : مبالغة من (الملك) وهو التصرف .
الكبرياء : العظمة والسلطان .

﴿ وأيضاً من أذكار الركوع الصحيحة :

((**اللهم لك ركعت ، وبك آمنت ، ولك أسلمت**
وعليك توكلت ، أنت ربّي ، خُشِعَ سمعي وبصري
ولحمي ودمي ومخي وعصبي لله رب العالمين))

♥ يعني أنا انحيت لك يارب .. وخشعت بسمعي و بصري و لحمي و دمى و كل ذرة في جسمي لك يارب .. وتحس وإنّ بتقول كل كلمة من كلمات الدعاء ده **بالخضوع التام** لله ، **خضوع يخلي قلبك يرتجف** من **عظمة الملك** عز وجل ..





❖ **كَبُرَ الإِمَامُ وَنَزَلَ لِّلسُّجُودِ ..** وإنَّتِ كَبَّرْتِ وِراهِ
وَلَسَهُ فِي قَلْبِكَ مَعَانِي " اللهُ أَكْبَرُ " ، وَنَزَلَتْ لِّلسُّجُودِ ..
« **وَلأَوَّلِ مَرَّةٍ** تَحْسُنُ إِنْ قَلْبُكَ نَازَلَ يَسْجُدُ قَبْلَ جَسْمِكَ!
قَلْبُكَ مُشْتَاقٌ لِّلسُّجُودِ !! مَشْ قَادِرٌ بَعْدَ كُلِّ مَعَانِي دِي
إِنَّهُ مِيسْجِدَش !! قَلْبُكَ مَحْتَاجٌ يَقْرَبُ أَكْثَرَ وَأَكْثَرَ !!
♥ قَلْبُكَ حَاسِسٌ بِقَوْلِ اللهِ تَعَالَى :

(وَأَسْجُدْ وَأَقْتَرِبْ) العلق: ١٩

♥ قَلْبُكَ عَاشِشٌ مَعَ قَوْلِ النَّبِيِّ ﷺ فِي صَاحِيحِ مُسْلِمٍ :
« **أَقْرَبُ مَا يَكُونُ الْعَبْدُ مِنْ رَبِّهِ وَهُوَ سَاجِدٌ** »
بِأَلْفِ مِائَةِ مَرَّةٍ ..
أَقْرَبُ مَا يَكُونُ الْعَبْدُ مِنْ رَبِّهِ ؟؟؟؟
بِعَنِي أَنَا دَلُوقِي قَرِيبٌ مِنْ رَبِّي .. حَبِيبِي ..؟؟؟
مِثْنُ مَعْقُولٍ !!!

لَوْ حَسِيتُ بِمَعْنَى الْقُرْبِ مِنَ اللَّهِ ، وَاللَّهِ الْعَظِيمِ هَتَمْتُ
إِنَّكَ تَفْضُلُ سَاجِدَ طُولِ عَمْرِكَ وَمَتَّقَوْمَشْ أَبَدًا !!!



❖ **وَالدَّعَاءُ الِلهِي فَاتٌ لَهُ أَجْرٌ عَظِيمٌ جَدًّا ..**
« فِي صَاحِيحِ الْبُخَارِيِّ عَنِ رِفَاعَةَ بْنِ رَافِعٍ قَالَ :
« كُنَّا نَصَلِّي وَرَاءَ النَّبِيِّ ﷺ ، فَلَمَّا رَفَعَ رَأْسَهُ مِنْ
الرُّكْعَةِ قَالَ : سَمِعْتُ اللهُ لِمَنْ حَمَدَهُ ، فَقَالَ رَجُلٌ وَرَاءَهُ :
رَبَّنَا وَلكَ الْحَمْدُ حَمْدًا كَثِيرًا طَيِّبًا مُبَارَكًا فِيهِ ، فَلَمَّا
انصَرَفَ قَالَ ﷺ : مَنْ المَتَكَلِّمُ أَنفَا ؟ قَالَ أَنَا ، قَالَ ﷺ :
رَأَيْتَ بَضْعَةَ وَثَلَاثِينَ مَلَكًا يَبْتَدِرُونَهَا أَيُّهُمْ يَكْتُبُهَا أَوَّلَ »
♥ وَلأنَّكَ لِأَوَّلِ مَرَّةٍ تَحْسُنُ بِالكَمِيةِ الرَّهِيبييةِ مِنَ النِّعَمِ
الِلهِي إِنْتِ غِرْقَانٌ فِيهَا ؛ خَرَجْتَ كَلِمَةً
"رَبَّنَا وَلكَ الْحَمْدُ" مِنْ قَلْبِكَ لِأَوَّلِ مَرَّةٍ
بِصَدَقِ ! الصَّدَقِ الِلهِي يَخْلِقُكَ تَكُونُ يَوْمَ
القِيَامَةِ مِنْ أَفْضَلِ عِبَادِ اللهِ !!!



« قَالَ رَسُولُ اللهِ ﷺ :

« **أَفْضَلُ عِبَادِ اللهِ تَعَالَى يَوْمَ الْقِيَامَةِ : الْحَمَادُونَ** »

صححه الألباني

رَبَّنَا يَجْعَلُنَا جَمِيعًا مِنْهُمْ .. اللَّهُمَّ آمِينَ ..



♥ زَادَتْ مَعَانِي الْقُرْبِ جَوْهَ قَلْبِكَ ، وَبَدَأَتْ تَحْسُنُ إِنَّكَ
مَعَ كُلِّ سَجْدَةٍ بِتَسْجُدِهَا وَبِتَذَلِّ نَفْسِكَ اللهُ ؛ **بِيرْتَفَعِ**
قِصَادُهَا مَقَامُكَ وَقَدْرُكَ عِنْدَ اللهِ ، وَخَاصَّةً لَمَّا تَذَكَّرْتَ
قَوْلَ النَّبِيِّ ﷺ :
« **عَلَيْكَ بِكَثْرَةِ السُّجُودِ اللهُ ، فَإِنَّكَ لَا تَسْجُدُ اللهُ سَجْدَةً**
إِلَّا رَفَعَكَ اللهُ بِهَا دَرَجَةً » رَوَاهُ مُسْلِمٌ



❖ بَدَأَتْ تَعْرِفُ مَعَانِي السُّجُودِ ، وَبَدَأَتْ تَعْرِفُ لِيهِ
الشَّيْطَانُ أَكْثَرَ حَاجَةَ تَضَائِقِهِ وَتَغِيْظِهِ وَتَخْلِيهِ بِيَكِي هِيَ
(**سُجُودَ الْإِنْسَانِ لِلَّهِ**)
« قَالَ رَسُولُ اللهِ ﷺ :

« إِذَا قَرَأَ ابْنُ آدَمَ السَّجْدَةَ ، فَسَجَدَ ، **اعْتَزَلَ الشَّيْطَانُ**
بِيبِكِي يَقُولُ : يَا وَيْلَتِي ! أَمْرُ ابْنِ آدَمَ بِالسُّجُودِ فَسَجَدَ
فَلَهُ الْجَنَّةُ ، وَأَمْرُتُ بِالسُّجُودِ فَأَبَيْتُ فَلِي النَّارُ » رَوَاهُ مُسْلِمٌ
« **وَعَلَّشَانُ كَدَهُ الشَّيْطَانُ بِيَبْذَلِ أَقْصَى جَهْدِ عِلْشَانِ**
يَخْلِقُكَ مِتْصَلِيْشِ وَلَا تَسْجُدُ اللهُ وَتَبْقَى مَعَاهُ فِي جَهَنَّمَ !!
فَاحْتَرَسْ مِنْهُ وَإِوعَى تَسْمَعُ كَلَامَهُ !!



« **وَبَعْدَ مَا سَجَدْتَ بِجَسْمِكَ ، وَمَرَّغْتَ جِبْهَتَكَ وَأَنْفَكَ**
فِي الأَرْضِ ؛ بَدَأْتَ تَحْسُنُ بِـ " **عِزَّةِ السُّجُودِ** " »
أَكْثَرَ وَأَكْثَرَ وَإِنْتِ بِتَقْوَلِ وَتَرْتَدُّ بِلِسَانِكَ :

(**سُبْحَانَ رَبِّيَ الأَعْلَى**)

« **"سُبْحَانَ رَبِّيَ الأَعْلَى"** يَعْنِي أَنْزَرَهُ رَبِّي الَّذِي هُوَ
أَعْلَى مِنْ كُلِّ شَيْءٍ قُدْرًا وَمَكَانَةً عَنِ كُلِّ مَا لَا يَلِيْقُ بِهِ .

« **وَفِيهِ كَمَا نَ دَعَاءٌ جَمِيْلٌ جَدًّا** كَانَ النَّبِيُّ ﷺ يَقُولُهُ
كَثِيرًا أَنْتَاءَ الرُّكُوعِ وَالسُّجُودِ ، قَالَتْ السَّيِّدَةُ عَائِشَةُ :

« كَانَ النَّبِيُّ ﷺ يُكْثِرُ أَنْ يَقُولَ فِي رُكُوعِهِ وَسُجُودِهِ :
سُبْحَانَكَ اللهُ رَبَّنَا وَبِحَمْدِكَ ، اللهُمَّ اغْفِرْ لِي » مُتَّفَقٌ عَلَيْهِ

« **وَكذلكَ مِنْ أَدْعِيَةِ السُّجُودِ :** عَنِ أَبِي هُرَيْرَةَ قَالَ :

« كَانَ النَّبِيُّ ﷺ يَقُولُ فِي سُجُودِهِ **الِلهُمَّ اغْفِرْ لِي ذَنْبِي**
كُلَّهُ دَقَّةً وَجِلَّهُ وَأَوَّلُهُ وَأَخْرَهُ وَعَلَانِيَتَهُ وَسِرَّهُ » رَوَاهُ مُسْلِمٌ

❖ وَاسْتَشْعَرَ إِنْ النَّبِيِّ ﷺ المَعْصُومِ ، الِلهِي رَبَّنَا غَفَرَ
لَهُ ذُنُوبَهُ كُلَّهَا بِكَثْرَةِ مِنَ الدَّعَاءِ **بِالمَغْفِرَةِ** ، فَمَا بِالنَّا
المَفْرُوضِ نَعْمَلُ بِهِ وَإِحْنَا أَهْلُ المَعْصِيِ وَالدُّنُوبِ ؟ !!



❖ **انتهى السجود والإمام كبر وجلس** ، وإن كنت كبرت وراه ، ولسه معاني " الله أكبر " بتجدد في قلبك مع كل تكبيرة ، ولكن حسيت من حلوة السجود إن قلبك كان عايز يفضل ساجد وعايش معاني القرب ومش عايز يقوم من السجود !

❖ **رفعت من السجود وجلست بين السجدين تقول :**


((رَبِّ اغْفِرْ لِي ، رَبِّ اغْفِرْ لِي))

❖ **لو تأملت في الدعاء ده ، لازم هتسأل نفسك :**

ليه تطلب المغفرة ثاني ؟؟؟ ما إنت لسه في السجود كنت بتقول " اللهم اغفر لي " !! ليه بعد ما ترفع من السجود ترجع ثاني تقول " رب اغفر لي " ؟؟؟

♥ أصل قلبك بعد ما قرب وشاف عظمة وجلال الملك في السجود ، حس قد إيه هو حقيقييييير !! حس بعظمة ذنوبه وإجرامه وغفلته وجوده للنعم وتقصيره الشديديييييد تجاه الملك سبحانه وتعالى !!

فكان لازم يستغفر ويطلب العفو والمغفرة !!



❖ **وبعد إنتهاء السجدة الثانية ، بتكبر ، وتقوم وتبدأ** ركعة جديدة ، بمعاني جديدة ، وإحساس جديد ..

❖ **لحد ما يبجي وقت التشهد الأخير ..**

بتجلس للتشهد والصلاة على النبي ﷺ ، وبتقول :

((التحيات لله والصلوات والطيبات))

التحيات لله : جميع أنواع التعظيم كلها لله .

الصلوات : جميع العبادات كلها لله .

الطيبات : الطيبات من الأقوال والأفعال والأوصاف كلها لله ، كل ده لك وحدك يا رب ..

((السلام عليك أيها النبي ورحمة الله وبركاته))

السلام علينا وعلى عباد الله الصالحين ((

❖ **إنت متخيل إنت بتسلم على مين وإن بتقول كده؟**

❖ **إنت بتأخذ ثواب التسليم على النبي وعلى عباد الله الصالحين في الكون كله !! قال رسول الله ﷺ :**

« إذا جلس أحدكم في الصلاة فليقل : التحيات لله والصلوات والطيبات ، السلام عليك أيها النبي ورحمة الله وبركاته ، السلام علينا وعلى عباد الله الصالحين ، فإنه إذا قال ذلك ؛ أصاب كل عبد صالح في السماء والأرض » متفق عليه



❖ **ومن وضعك الإيماني العالي أثناء السجود ، كان لازم تستغل فرصة القرب من ربك حبيبك وتدعوه وتطلب منه ، وإن كنت كلك يقين إنه سميع قريب مجيب الدعاء ، هيالك كل مشاكلك ويزيل كل همومك بفضلته وكرمه ورحمته سبحانه وتعالى ..**

♥ **بدأت تدعي وتكثر من الدعاء في السجود ،** زي ما حبيبك النبي ﷺ وصّاك وقال :

« أقرب ما يكون العبد من ربه وهو ساجد ،

فأكثروا الدعاء » رواه مسلم

❖ **كل المعاني الإيمانية الرابطة بيننا وبين ربنا** بها في سجودك ، وبدأت تحس بلذة ومتعة السجود لله ، وعرفت ليه اللي بيسجدوا لله كثير ربنا قال عنهم :

(سِيمَاهُمْ فِي وُجُوهِهِمْ مِمَّنْ أَثَرَ السُّجُودِ) الفتح ٢٩

كثرة السجود لله بتنور وجهك في الدنيا والآخرة !

والله يا شباب ويا بنات ؛ السجود ده نعمة عظيمة جداً من أكبر نعم ربنا علينا إنه خلانا نسجد له ..

فياريت متحرموش نفسكم من النعمة دي !!



❖ **وأيضاً من الأدعية بين السجدين :**

((اللهم اغفر لي وارحمني واهدني وعافني وارزقني))

❖ **والماتل في الدعاء ده ، هيلقيه دعاء بسيط ،**

ولكن كلماته كلمات عظيمة جدا النبي ﷺ قال عنها :

« هؤلاء يجمعن لك دينك ودنياك » صححه الألباني

❖ **كبر الإمام وسجد مرة ثانية وإن كنت كذلك ..** لكن تعالوا نقف وفتة !

« اشمعني السجود مرتين ؟؟؟ »

ليه مش مرة واحدة زي بقية أركان الصلاة ؟؟؟

❖ **الله أعلم طبعاً وله حكمته في ذلك ، بس لو اجتهدنا** هنقول إنك لو سجدت بقلبك بجد ، مش هتقدر أبداً تكتفي بسجدة واحدة !! أصل السجود ميتشبع منه ! لو قمت لركعة جديدة بعد سجدة واحدة هتقوم وقلبك محروم !! هتقوم وقلبك لسه ما أخذش كفايته !! فبترجع تروي عطشه للقرب وتسجد من ثاني !!





﴿ **وقبل ما تسلم، بتدعي ربنا زي ما الرسول علمنا،**
 ﴿ ومن الدعاء المأثور عن النبي ﷺ قبل التسليم :

﴿ **اللهم اغفر لي ما قدمت، وما أخرت، وما أسررت، وما أعلم به مني،**
 أنت المقدم وأنت المؤخر لا إله إلا أنت » رواه مسلم

﴿ **زي ما ابتديت الصلاة بـ (طلب المغفرة) في**
 دعاء الإستفتاح ، بتختمها برده بـ (طلب المغفرة) ..

﴿ **وللأسف .. حانت لحظة الوداع !! حانت لحظة**
فراق الصلاة ، والرجوع لألم وعذاب هموم الدنيا !!

﴿ **بتقول (السلام عليكم ورحمة الله) وبتختم الصلاة**
بالسلام .. بعد ما خلاص قلبك بقى كله سلام وراحة
 وطمأنينه وسكينة وحب وشوق ومتعة ولذة وسعادة !!

♥ **خلصت الصلاة وكأنك أول مرة تصلي في حياتك!**
وانت نفسك تقوم بسرعة وتصلي تاني! أصل الصلاة
 بقت بالنسبة لك **طوفان مشاعر** مش قادر تستغنى عنه
 ﴿ **خلصت الصلاة ، وبقي نفسك تصرخ وتقول لكل**
 واحد مبيصليش أو بيفرط في الصلاة :

﴿ **والله العظيم أنت محرووووووم !!**



﴿ **وبعدين بتقول : (أشهد أن لا إله إلا الله ..**
وأشهد أن محمداً عبده ورسوله)

﴿ **بترجع تجدد العهد مع ربنا بالشهادتين ..**

﴿ **وبعدين بتصلي على النبي ﷺ وتقول :**

﴿ **(اللهم صل على محمد وعلى آل محمد ، كما**
صليت على إبراهيم وعلى آل إبراهيم إنك حميد
مجيد، اللهم بارك على محمد وعلى آل محمد ، كما
باركت على إبراهيم وآل إبراهيم إنك حميد مجيد)

﴿ **بتصلي على النبي ﷺ ، وحبه يزيد في قلبك ، لأنه**
 هو اللي علمنا الصلاة دي بكل معانيها وأحاسيسها ..



﴿ **وبعدين بتدعي وتقول :**

﴿ **(اللهم أي أعوذ بك من عذاب القبر وأعوذ بك من**
عذاب النار وأعوذ بك من فتنة المحيا والممات وأعوذ
بك من شر المسيح الدجال)

﴿ **بتستعيز بالله في آخر الصلاة من "أخطر؛ حاجات"**
 ممكن تقابلك وتدمر حياتك الدنيوية والأخروية !!



﴿ **قد إيه إحنا فعلا محرومين !!!!!!!**

﴿ **قد إيه إحنا محرومين من مشاعر وأحاسيس ؛ لما**
 دخلت قلب سيدنا عروة بن الزبير وكانت رجله
 أصابتها الأكلة (اللي بنسيمياها غرغرينا) ، فقرر
 الأطباء إنهم لازم يعملوا بتر ويقطعوا ساقه من رجله،
 فقالوا له نسفيك مُخدَّر علشان الألم ؟؟ مرضيش !!
 طيب تشرب خمر علشان متحسش بالوجع الرهيب ؟؟
 قال عمري ما أشرب حاجة حرام مهما حصل !!
 قالوا له طيب نعملك إيه ؟؟؟؟ إحنا هنقطع رجلك
 بالمنشار ولازم تتخدر علشان نعرف نقطعها !!!!!!!

﴿ **فقال لهم : [دعوني أصلي .. فإذا سجدت ؛ فافعلوا**

﴿ **بي ما تشاءون !!!!]**

﴿ **وفعلاً .. بدأ في الصلاة ، وانتظروا لحد ما سجد ،**
 وأتوا بالمنشار وبدأوا ينشروا اللحم ثم العظم لحد ما
 بتروا ساقه ، وهو ساجد ومفيش أي عضو من أعضائه
 اتحرك !! كأنهم في عالم وهو في عالم تاني خالص !!

﴿ **سبحان الله !! معقول الكلام ده ؟؟؟**

﴿ **سيدنا عروة كان إحساسه إيه وهو بيصلي علشان**
 يستحمل إن رجله تنقطع بالمنشار وهو ساجد لله ؟؟؟



﴿ **وأي حرمان ؟؟؟؟؟**

﴿ **ده إنت محروم من مشاعر وأحاسيس ؛ لما دخلت**
 قلب سيدنا عباد بن بشر وهو واقف يصلي بالليل
 وكان بيحرس المسلمين .. أحد المشركين رماه بسهم
 أصابه في جسمه ، نزعاه وكمل صلاة ! قام رماه بسهم
 تاني ، نزعاه وكمل صلاة ! رماه بسهم ثالث ، نزعاه
 زي اللي فاتوا ! وركع وسجد ، وصحى الصحابي
 اللي كان معاه في وردية الحراسة ، فلما زميله شاف
 الدم نازف من جسمه كله .. سأله ياستغراب :

﴿ **ليه مصحتنيش لما انضربت بأول سهم علشان أحميك؟**

﴿ **رد عليه وقاله : [كنت في سورة اقرأها فلم أحب أن**
أقطعها حتى أنتهي منها !! وأيم الله ، لولا أن أضيع
ثغراً (أترك مكاناً) أمرني رسول الله بحفظه ، لآثرت
الموت على أن أقطع تلك الآيات التي كنت أتلوها!!]

﴿ **سبحان الله !! معقول الكلام ده ؟؟؟**

﴿ **سيدنا عباد كان إحساسه إيه وهو بيصلي علشان**
 ينضرب بـ ٣ سهام ويرده عايز يكمل صلاة ؟؟؟؟؟؟؟؟؟
 تخيلوا مستوى اللذة والمتعة اللي كان عايشها واللي
 كانت أعظم من الألم بتاع ٣ سهام قطعوا جسمه !!



١٢ - آخر صلاة!!!

« تخيل لو قولتلك إن باقيلك في الدنيا ربع ساعة وخلص هتموت بعدها ! وهسيبك تصلي فيهم ركعتين

يا نرى هنصليهم إزاي؟؟؟!

أكيد هنتفكر الموت والقرير والصرراط والحساب وهنتسى الشهوات والفتن والدنيا بكل ما فيها !! ما انت خلاص هتموت وتسيبها ، هنتفكر فيها إزاي !؟

طيب ما هو إنت فعلاً مش ضامن إن أي صلاة

بتصليها تكون آخر صلاة !!

فحاول يكون ده إحساسك مع كل صلاة بتصليها

« قال رسول الله ﷺ :

« أذكر الموت في صلاتك ، فإن الرجل إذا ذكر الموت في صلاته لَحْرِي (أقرب وأثبت وأولى) أن يحسن صلاته ، وصل صلاة رجل لا يظن أنه يصلي

صلاة غيرها » حسنه الألباني



١٠ - اسجد واقرب

♥ افكر وإنك ساجد إنك أقرب ما يكون من ربك حبيبك ، عارف يعني ايه أقرب ما يكون من حبيبك ؟ يعني المفروض تكون في أعلى درجات الفرح والمتعة ، وتبقى مش عايز تقوم وتبعد عن حبيبك ..

لوحسيت معنى القرب ده بجد ..
قلبك هيدوب من الخشوع !

١١ - احترس من "خزب"

« شيطان الصلاة اسمه " خزب " ، ده شيطان مخصوص علشان يوسوسلك في الصلاة ويشغلك عن الخشوع ، فأول ما تحس بوسوسته ؛ تعوذ بالله بصيغة الإستعاذة اللي ذكرناها في أول الصلاة ، واتفل (هواء به رذاذ من الريق وليس بصاق) عن يسارك ٣ مرات ..



١٥ - إدمان الإستغفار

«ليه بنقول إدمان؟ لأن كل معصية بتعمل نقطة سودا على قلبك وبتكون طبقة صدأ عليه ، وده بيسبب قسوة قلبك وعدم خشوعه .. الإستغفار هيشيل كل السواد ده ويكسر طبقة الصدأ ويخلي قلبك يرق ويلين للخشوع.

١٦ - استعن بالله

« ادعي ربنا وألج في الدعاء إنه يرزقك مُتعة ولذة الخشوع وقول: اللهم إني أعوذ بك من عين لا تدمع ، ومن قلب لا يخشع

١٣ - الطمأنينة

« لو صليت بسرعة وإنك مستعجل وأهم شئ عندك إنك عايز تخلص ، مش هتحس بأي معنى للصلاة ! « قال رسول الله ﷺ :

« الذي لا يتم ركوعه ، و يتفر (مثل نقر الديك) في سجوده ، مثل الجائع يأكل التمرة و التمرتين ، لا يغنيان عنه شيئاً » حسنه الألباني

يعني هنصلي ومش هتحس بأي خشوع ولا أي لذة ! فانا عايزك تدي كل حركة في الصلاة حقها، في القيام والقراءة والركوع والسجود والجلوس .. متستعجلش!

١٤ - لا لازم تدريب

« لازم تدرب نفسك على الخشوع ، وأفضل مدرسة هتدرب فيها ؛ هي مدرسة (قيام الليل) ، قوم بالليل والناس نائمة وصلني ولو ركعتين ، واعصر عينك وحاول تبكي واستحضر قلبك واتدرب على الطمأنينة في الصلاة، قول الأذكار بقلبك واتفكر في معانيها وخذ وقتك في الركوع ، وطول في السجود والدعاء..

